



Inatsisartunut Ilaasortaq, Jørgen-Ole Nyboe Nielsen, Demokratit

/maani

**Immikkoortoq UKA 2012/33-mut APNN-ip akissuteqaataa pillugu  
Naalakkersuisunut apeqquut 274-imut akissut**

30-11-2012  
Sags nr. 2012-077042  
Dok. nr. 1076871

Inatsisartut suleriaasaanni § 37 imm. 1 naapertorlugu aalajangiiffisassatut siunnersuummut uunga akissuteqaatitsinni kukkusimaneq pillugu Naalakkersuisunut apeqquateqarputit:

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

*"Sunngiffimmi aallaaniarsinnaanermut akuersissummik qinnuteqartumut immikkut akuersissummik tunniussisoqassappat piumasaqaataavoq qinnuteqartup Kalaallit Nunaanni angerlarsimaffeqarnissa taamaasillunilu inuiaqatigiinnut kalaallinut attuumassuteqarnissamut piumasaqaatinik naammassinnissimanissaa tamatumalu ersarissumik allassimalernissaa anguniarlugu Piniarneq aallaaniarnerlu pillugit Inatsisartut inatsisaat nr. 12, 29. oktober 1999-meersup kiisalu Sunngiffimmi aallaaniarsinnaanermut allagartat pillugit Namminersornerullutik Oqartussat nalunaarutaat nr. 21, 28. november 2003-meersup kingusinnerpaamik UPA2013-imi allannorteqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut."*

Naalakkersuisunut uppernarsaqqat immikkut akuersissuteqarnerup nalunaarutigineqarsinnaaneranut pisariaqartoq "attuumassuteqarneq" unaanani "aalajangersimasumik attuumassuteqarneq".

Immikkoortoq UKA 2012/33-mut akissuteqaatip aallartinnerani allassimavoq:

"Inatsisini atuuttuni najugaqarnissamut piumasaqaammit immikkut akuersissuteqartoqarsinnaavoq qinnuteqaateqartup Kalaallit Nunaannut attuumassuteqarnera aallaavigalugu naleqquttut nalilerneqarpat qinnuteqaateqartorlu ilinniagaqarnermik assigisaannilluunniit pissuteqartumik Kalaallit Nunaata avataani najugaqarallarsimappat, takuuk sunngiffimmi aallaaniarsinnaanermut allagartat pillugit Namminersornerullutik Oqartussat nalunaarutaat nr. 21, 28. november 2003-meersumi § 2, imm. 2."

Isumaqarpunga, akissuteqaaterput kukkusuunngitsoq oqaluuserigatsigumi immikkoortumi qulaaniittumi kalaallinut inuiaqatigiinnut "attuumassuteqarneq" unaanngitsoq "aalajangersimasumik attuumassuteqarneq".

Aalajangiiffisassatut siunnersuutinni innersuussutigaat kalaallinut inuiaqatigiinnut aalajangersimasumik attuumassuteqarneq pillugu immikkut akuersissuteqarnissamut piumasaqaat. Akissuteqaatitsinni oqaaseq Piniarneq aallaaniarnerlu pillugit Inatsisartut inatsisaat nr. 12, 29. oktober 1999-meersuq malillugu qanoq paasineqassasoq nassuiarneqarpoq. Kingornatigut eqqaasitsissutigineqarpoq taamatut paasinninnermi

takuneqarsinnaanngitsoq akileraarteqartussaataaneq inuiaqatigiinnut kalaallinut aalajangersimasumik attuumassuteqarnertut isigineqarsinnaasooq taamaammallu tamanna tunngavigalugu immikkut akuersissuteqartoqarsinnaanani.

Tamanna imatut paasineqartussaannigilaq "kalaallinut inuiaqatigiinnut aalajangersimasumik attuumassuteqarneq" najugaqarnissamik piumasaqaammit immikkut akuersissuteqarfigineqarnissamut pissutaasinnaalluni. Taamatut pisoqartarsimassappat paatsuuisoqartarsimassaaq.

Uppernarsassavara najugaqarnissamut piumasaqaammit immikkut akuersissuteqarnissamut piumasaqaatit ilagimmassuk kalaallinut inuiaqatigiinnut "attuumassuteqarneq". Iluumoorportaaq inuiaqatigiinnut kalaallinut aalajangersimasumik attuumassuteqarneq inuussutissarsiutigalugu piniarnermut allagartanuinnaq tunngammat.

"Kalaallinut inuiaqatigiinnut aalajangersimasumik attuumassuteqarnerup" aamma "kalaallinut inuiaqatigiinnut attuumassuteqarnerup" akornanni assigiinngissut Piniarneq aallaaniarnerlu pillugit Inatsisartut inatsisaanni taamatullu piniarnermut allagartat pillugit nalunaarutini marluusuni erseqqissarneqanngilaq. Paasinnittaaseq siulleq piniarneq aallaaniarnerlu pillugit Inatsisartut inatsisaat nr. 12, 29. oktober 1999-meersumi § 3-mi nassuiarneqarpoq aappaalu immikkut akuersissuteqartarneq pillugu inatsimmi tassani § 4, imm. 4-mi taaneqarsimalluni, nassuiaaserneqarani.

Kalaallit Nunaanni inuit naligiimmik pineqarnissaannik isumaqarnerit isumaqatigaara. Isumaqatigaakkittaaq paasinnittaatsit qulaani taaneqartut erseqqissarneqartariaqarmata. Kisianni Piniarneq aallaaniarnerlu pillugit inatsimmi allannguisoqassappat paasissutissat naliliisarluunilu misissuinerit pisariaqartinneqarput.

Nunatsinni allanngoriartortoqarpoq sulisartunillu nunanit allaneersunik ukiuni aggersuni atuinerulernissaq periarfissaalissalluni. Tassunga atatillugu eqqarsaatersuutigisinnaasariaqassavarput uumasut maaniittut qanoq sunnerneqarumaarnersut, tassa kikkunnulluunniit maani Kalaallit Nunaanni sulisunut tamakkiisumillu akileraartartunut tamanut maani inuit nalunaarsorsimaffianni nalunaarsorsimannigitsunut sunngiffimmi aallaaniarnissamut immikkut akuersissuteqarsinnaaneq ammaanneqassappat. Pisuussutit killeqareersut qulaani pineqartumi agguarneqarnissaat ammaanneqassappat, isumaqarpunga ineriartorneq naapertuuttuussanngitsoq. Taamaattumik akiliisitsilluni piniartitsisinnaanerup periarfissaanera, Kalaallillu Nunaanni avataaniluunniit innuttaasunit atorneqarsinnaanera innersuussutigeqqissavara, akiliisitsilluni piniartitsineq pillugu nalunaarummi piumasaqaatit malillugit ingerlanneqarpat.

Inussiarnersumik inuulluaqqusillunga  
Med venlig hilsen

Ane Hansen